



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Natales Sanctorvm Belgii, & eorundem Chronica
Recapitvatio**

Molanus, Johannes

Dvaci, 1616

Die decima octaua lunij.

urn:nbn:de:hbz:466:1-9477

hibuit: in qua ostensione multi sanitatem recuperarunt. Instituit etiam festum eius celebrandum Dominica die ante nativitatem Præcursoris Domini. Est autem Forestum, Vorst ad Sennam opulentissimum sanctimonialium Ordinis sancti Benedicti monasterium, apud Bruxellam, diœcesis Mechliniensis, vbi historia exstat latinè manuscripta, & Teutonicè excusa. Ceterum Leuoldus in regeneratione Haroldus dictus, rex fuit aut regulus vel princeps, in Dielbeca & circumiacenti regione. Vbi cum coniuge Hildegarde sic de virtute in virtutem ascendit, ut yterque in vita & post obitum mira sit operatus, humili in ecclesia Dielbecana, quam ad honorem beati Ambrosij construxerunt.

Die decima octaua Iunij.

De martyrio beatæ Mariæ dolorosæ.

*Ex libris Rubeæ-vallenfis monasterij, quod est
in parochia Woluënsi.*

IN pago Brabantino, in parochia sancti Petri Woluënsis annuensarius dies sanctæ Mariæ virginis, quæ dicta est dolorosa.

Hæc à Domino consecuta est triplicem coronam, voluntariæ paupertatis, castitatis, & martyrij. Cum enim votum paupertatis voluntariæ & perpetuæ castitatis adornata, per annos multos panem suum laboriosè manducaret, contigit impudicum virum eam adamare: & cum castitatem suam quam Deo & beatæ Mariæ voverat, pollui non sinebat, is virginem de furto argentei scyphi falso accusavit, & tantum egit apud villicum, ut innocenter sit terræ defossa, & sude transverberata, circa annum millesimum ducentesimum nonagesimum. Quanti autem meriti sit apud Deum testantur miracula. Nam & ante mortem, pro visitaturis memoriam

Iunij 20.

N A T A L E S

memoriam Deiparæ Virginis in loco suæ requietionis, intercessit. Vnde & accusator, postquam septem annis demoniacus fuerat, in eo loco restitutus est per Deiparam Virginem, eiusque famulam beatam Mariam dolorosam. Quiescit sub altari Vuoluxæ, & locus ab ea vulgariter dicitur. *ter allendiger Marie.* Estque vetus confraternitas illius loci, quæ in antiquata scriptura dicitur; Confraternitas dilectæ nostræ Dominiæ, in capella beatæ Mariæ dolorosæ.

Vigesima Iunij.

1^o. De sancto Baino episcopo Morinorum.

Ex catalogo abbatum Fontanellæ, & aliunde.

IN Fontanellensi cœnobio, natalis sancti BAINI, episcopi & confessoris Qui referendus est ad Belgij sanctos, eo quod Aquilonarium Flandrorum annis aliquot in Teruana Morinorum vrbe episcopus fuerit. Minus tamen apud nos notus & celebris est, quia Fontanellæ in Francia, ubi sancto Wandregisilo fundatori, quinto loco in regimine succedit, sepulturam à se electam accepit. Estque iam olim à grauibus viris conscriptum, sanctum Bainum episcopum Teruanæ & apud Surium. *20. Martij 22. Iulij* Fontanellensis cœnobij abbatem transtulisse anno sepingentesimo vigesimo nono sanctos Fontanellenses Wandregisilum, Ansbertum & Wlframnum ita integros ab omni corruptione cum vestimentis, quasi eo die fuissent sepulturæ traditi,

2. De